

“ТАЗКИРАИ ШУАРО”НИНГ 213 РАҚАМЛИ ҚҮЛЁЗМАСИ

Дўстова Сурайё Савроновна-jspi.uz

Ҳасанмурод Лаффасийнинг “Тазкираи шуаро” асари Хива адабий мұхитида яшаб ижод этган 60 га яқин ижодкорларнинг ҳаёти ва ижоди ҳамда шеърларидан намуналар билан танишитиради. “Тазкираи шуаро”нинг қүлөзмаларини илмий асосда ўрганар эканмиз, тазкиранинг ЎзР ФА Шарқшунослик институтининг қүлөзмалар фондида 9494, 12561, 11499 рақамлари остида сақланаётган нусхаларини, ЎзРФА Алишер Навоий номидаги Давлат адабиёт музейи фондида 213 рақам билан сақланаётган нусхани ва П.Бобожонов томонидан нашр қилинган нусхани асосий нусхалар ҳамда У. Долимов уйида сақланаётган нусхани қўшимча манба сифатида тадқик этдик.

Биз ЎзРФА Шарқшунослик институти қўлөзмалар фондида сақланаётган 213 рақамли қўлөzmани ўргандик. Биз қўлөzmани тавсифлашда асар номи, муаллифи, бошланиши ва охири, таркибий тузилиши, матнинг тўлиқлиги, нусхани кўчирган котиб, кўчирилган йили ва ўрни каби илмий хусусиятларига, шунингдек, қўлөzма нусханинг ўлчами, варақлар сони, муқоваси, сиёҳи, қофози, ёзув тури, муҳр ва безаклари, сатрлар сони, пойгиrlарнинг қўйилиши ва сақланиш ҳолати каби китобат хусусиятларига асосландик.

Қўлөzма (Хива шоирлари) деб номланган, муаллифи Ҳасанмурод Лаффасий, у сағсарранг сиёҳ билан майданастаълик хатида ёзилган, 120 бетдан, яъни 60 варагдан иборат, Лаффасийнинг ўзи кўчирган. Қўлөzма қалин муқовага олинган ва яхши сақланган. Матн икки чизиқли рамка – жадвал ичига олинган, ҳар бир саҳифада 13 ёки 16 сатрдан матн жойлаштирилган. Муалифнинг ўзи асар бошланган саҳифадан то асар охиригача ҳар бир саҳифага 1 дан 120гача бўлган бетни араб рақамларида қўйиб чиққан. Асарда 52 та шоир ижодидан намуналар берилган. Намуна

шөйрлар берилиши жиҳатидан 11499 ва 9494 қўлёзма нусхаларга қараганда тўлиқроқ ва кўпроқ берилган.

Манбанинг титул варағига “Хива шоирлари” деб ёзилган. 1а варакда ўртага яна асарнинг “Хива шоирлари” номи қўйилган, пастида эса: “1948 йил 22 июнь 1347 – ҳижрий шаъбон тўфлогувчи Хива Давлат музей тарихчи лектори Ҳасанмуродқори Муҳаммад Амин ўғли Лаффасий”[1.1 а варақ], деб араб ёзувида битилган.

Асада мундарижа берилмаган. Қўлёзма 16 варакдан бошлаб Лаффасийнинг 28 байтли муқаддимаси билан бошланган:

*Aё, дўсти содик, сизга ҳолим,
Ки сизга деюрга йўқ мајсолим.
Тушиб бошимга бу кун онча савдо,
Етубон дам-бадам минг турли гавго.
Гаҳи ҳушидин кетиб, ақлим фаромуши,
Бўлибон шул сабаб гамларга оғуши...[1.1 а варақ]*

Саҳифалар тартиби икки усулда: юқоридан ўртага рақамлар қўйилиб, саҳифалар остига пойгир орқали берилган. Тартиб рақамлар эса араб рақамлари билан 1-,2-,3-... тарзида қўйилган. Шоирлар номларига қўйилган тартиб рақамлар алоҳида чизиқлар орасига ёзилган. Маълумотлар ва ғазалларни бир-биридан ажратиш учун чизиқлар тортилган ва ғазаллар икки устун қилиб берилган.

26 варакдан шоирлар ҳақида маълумотлар ва ижодидан намуналар бошланади. Тазкирани С.Самандарова айтганидек, “шоирлар ҳақидаги маълумотларга ва уларнинг шеърларидан келтирилган намуналар”[3.24] га ажратиб ўрганиш мумкин: Мунис ҳақида 15 қатор маълумот, 4 ғазалидан намуна, Оғаҳий ҳақида 8 қатор маълумот, 5 ғазали ва 1 муҳаммаси, Аваз Ўтар ҳақида 9 қатор маълумот ва 5 ғазалидан намуналар келтирилган...

Шундан сўнг асар 61а варакда Лаффасий мұхаммаси билан якунланади. 61а варакнинг остига асар тугалланган вақти қайд қилинган: “1948 йил 26 июль 1347-ҳижрий 20-рамозон рақами фақир Ҳасанмуродқори Қори Мұхаммад Амин ўғли Лаффасий” ва Ўзбекистон Фанлар Академияси Алишер Навоий номидаги Давлат адабиёт музейи мұхри босилган. Бу асарнинг баъзи тавсифини олима С. Самандарованинг филология фанлари номзодини олиш учун ёзилган диссертациясининг 22 бетида ҳам учратамиз, бироқ асар тўлиқ тавсиф этилмаган. Бу манбанинг айрим матн хусусиятлари ҳақида Ж.Жўраевнинг филология фанлари номзодини олиш учун ёзилган диссертациясининг 45 бетида қўйидагича ёзилган:” котиб қўпгина ҳолларда пе,те, ё ҳарфларини битта нуқта билан ифодалаган. Шунингдек, ё ва алиф ҳарфлари сўз охирида аввал алиф сўнгра ё келган ҳолларда кўпинча иккала ҳарф қўшиб юборилган. Яна қисқа “а” товуши сўз охирида келганда, бу товушни ифодалайдиган ҳо ҳарфи тушуриб қолдирилган. Масалан: ﻭاکا نادوه، ناكا сўзи эса اندوه шаклида учрайди. Гоф ҳарфи бошқа манбаларда бўлгани каби коф ёрдамида ёзилган”[2.45]. Дарҳақиқат, қўлёzmани ўқиш жараёнида биз бу ҳолатларга дуч келдик. “Тазкираи шуаро”нинг 213 қўлёzма нусхаси шоирларнинг ижодидан намуна шеърларнинг кўпроқ берилиши жиҳатидан бошқа қўлёzmалардан фарқ қиласи. Жумладан, муаллиф мухаммасларга кўпроқ эътиборни қаратган.

Тазкира “Баёнийнинг “Шажараи Хоразмшоҳий” асарида келтирилган қўпгина маълумотларни тўлдиради ва ҳар икки асар биргаликда XIX аср Хоразм адабий мұхити ва ундаги ижодкорлар ҳақида яхлит тасаввур ҳосил қиласи”[1.4]. Хива адабий мұхити, унда кечган жараёнлар, давр адабий жараёнларида етакчилик қиласи мавзу ва жанрлар, қаламкашларнинг ҳаёти ва ижодий мероси тўғрисида маълумот берувчи адабий манба сифатида эътиборга молик. Унда келтирилган маълумотлар ижодкорларнинг илмий биографиясини яратишда мұхим ўрин тутади. Шунингдек, тазкирада ижодкорлар асарларидан берилган намуналар уларнинг асарлари мукаммал

матнини тиклаш, жанр ва мавзу мундарижаси бўйича илмий хуносалар чиқаришда қимматли манбадир.

Адабиётлар рўйхати:

- 1.Жумахўжа Н. Адизова И. Сўздин бақолироқ ёдгор йўқдир.// Тошкент.: Адабиёт ва санъат , 1994.-Б.46.
- 2.Жўраев Ж. Комёб ҳаёти ва ижодий мероси манбалари тадқики// Филол.фан.номз...диссер.- Тошкент.: 2012. Б- 45.
- 3.Самандарова С. Лаффасий тазкираси ва унинг қўлёзмалари.// Тошкент.: Хазина, 1995 .Б.- 24.
- 4.ЎзР ФА Алишер Навоий номидаги Давлат адабиёт музейи, қўлёзма, № 213 нусха 1а-варак